




ԸՆԴՈՒՆԵԼՈՒԹՅՈՒՆ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴՈՒՄ

Հունվարի 8-ին, ուրբաթ օրը, առավոտյան ժամը 10-ին, Նորին Սուրբ Օծություն S. S. Վազգեն Ա Ամենայն Հայոց կաթողիկոսը Նոր տարվա առթիվ այցելություն տվեց Հայկական ՍՍՀ Մինիստրների խորհրդի նախագահ տիար Ֆադեյ Սարգսյանին:

Ընդունելության ընթացքում Վեհափառ Հայրապետի և Հայկական ՍՍՀ Մինիստրների խորհրդի մեծահարգ նախագահի միջև տեղի ունեցավ ջերմ գրույց՝ ամանորյա փոխադարձ բարեմաղթություններով:

Վեհափառ Հայրապետը անդրադարձավ նաև վերջերս ԱՄՆ և Կառնա կատարած հայրապետական այցելությանը, պատմեց այդ երկրներում ապաստան գտած հայերի ու պետական կարևոր պաշտոնյաների հետ ունեցած հանդիպումների մասին: Նորին Սրբությունը հատկապես ընդգծեց հայրենասիրական այն ջերմ զգացումը, որ սփյուռքահայությունը տածում է Մայր Հայրենիքի և Մայր Աթոռ Ս. Էջմիածնի հանդեպ:

Ընդունելությանը ներկա էին նաև Հայկական ՍՍՀ Մինիստրների խորհրդի գործերի կառավարիչ տիար Հրաչիկ Վարդանյանը և Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ տիար Ստեփան Վարդանյանը:

